

Alonso de Ojeda a descubri Aruba dia 9 di Augustus 1499

Na ocasion di celebracion di Dia di Himno y Bandera mañan 18 di Maart 1999, algun fragmento for di e buki **HISTORIA DI ARUBA**, di nos Historiador Arubiano, Sr. Jossy M. Mansur:

"... Despues di e descubrimentonan inicia pa Cristobal Colon, y cu pa ARUBA a culmina cu Ojeda e Monarcnan Spaño a cuminsa saca proclamanan yama Real Cedula, dunando instruccion ariba e cuestionnan di Gobierno den e teranan nobo, yama "Indias", cu a pasa forma parti di e Corona Spaño ..."

"... Capitan ALONSO DE OJEDA tin na su haber e descubrimiento di e isla di Aruba.

El a nace na Cuenca, España, na año 1470, y a ser cria pa e Duque de Medinaceli.

El a viaha cu Colon den e di dos viahe cu e Almirante a haci na año 1493, y den cual diessiete carabela a participa ..."

"... Hojeda tabata tin apenas bintiun año di edad. El a destaca su mes como homber balente contra e valeroso Cacique Caonabo, den fuerte di Santo Thomas, y e minanan di Cibao, na Santo Domingo.

Poco despues Hojeda tabata na España, un poco malo di salud, ora cu el a tende na cuminsamento di año 1499

cu Colon a logra descubri teranan nobo, especificamente Trinidad y e Provincia di Paria ..."

"... Despues di algun dia nan a continua viahe, te descubri e isla di Curacao, cu nan a batiza cu e nomber di Isla de los Gigantes, debi na e relato cu Americo Vespucci a haci di e tamaño descomunai di e indiannan cu tabata habite.

For di Curacao nan a dici di di sigui den direccion west, semper cu vista ariba costa, na un distancia cu tabata permiti nan mira e contorno di Tierra Firme, pero a la vez suficientemente distante pa evita e fuerte corrientenan marino cu semper tin den e lamanan dilanti di e costa noord di Venezuela.

Nan a continua viahe, y dia 9 di Augustus, pasando dilanti di e Cabo San Roman, cu nan a batiza di biah cu e nomber di e santo ariba e calendario e dia ey, nan a mira e isla di ARUBA den direccion Noord, incorporando e den e tanda di descubrimentonan di isla y Tierra Firme.

Despues di a descubri ARUBA el a sigui su viahe di reconocemento ..."

Asina, den prome viaha di Alonso de Ojeda, ariba dia 9 di Augustus di 1499, ARUBA a keda descubri". (Buki : **HISTORIA DI ARUBA**) (Autor y Escritor : Sr. Jossy M. Mansur)

E promer Arubiano cu a bira Pader

Sigur bo a yega di tende di Monseigneur Antonius van der Veen Zeppenfeldt, Obispo di Willemstad. Su berdadero nomber tabata Jacob Lewis Thielen van der Veen Zeppenfeldt. E tabata e prome Arubiano cu a bira pader y despues e prome obispo Antillano. El a nace na Aruba dia 11 di October 1891. Tur dos su mayornan tabata Arubiano. Su famia tabata grandi, di cual varios tabata biba na Corsow. Un ruman di dje tabata abogado y un omo - Bernhard van der Veen Zeppenfeldt - tabata maestro y despues a bira Hypotheekbewaarder y miembro di Koloniale Raad. Na esaki e caya na San Nicolas a wordo yama. Nobo nobo cu Jacob Lewis Thielen van der Veen Zeppenfeldt a bira pader, el a bin traha na parokia di Sta. Cruz na Aruba. Ron ddi 1928 el a wordo traslada pa Playa. Despues el a bay Corsow na parokia di Montaña.



E tabata un pader masha streng y corecto. E no tabata permiti e damanan bay misa of confesa ni ricibi cu bisti sin manga. E tabata mandanan cas bay troca paña, hasta su mes sobrinanan. "Ley pa un ley pa tur" tabata su lema. Tambe e tabata scirbi bunita poesia y canticanan di misa, e.o. "Hesus den Sacramento", y "Hesus mi no sabi ki mas". Dia 26 di November 1948 el a wordo consagra como Vicario Apostolico pa e

Obispado Willemstad. Dia 8 di September 1949 el a bolbe su isla natal como

Obispo pa bendiciona e misa nobo pa p aradera. Tres año despues - 25 di Mei 1952 - el a bin Aruba atrobe, e biah aki pa bendiciona e kapel di Alto Vista. Dia 4 di Juli 1957 Monseigneur Zeppenfeldt a fallece na edad di 65 año y el a worde dera na Corsow den santana na Rodeweg.

CU SEMPER E LO WAYA

Na Federal Express, nos ta comparti e orguyo di nos isla den celebracion di nos Dia Nacional di Himno i Bandera.

FedEx
Federal Express

Federal Express
Brownvest Financial Center
Wayaca 31-A Oranjestad
Aruba - Dutch Caribbean

Servicio rapido y confiable di entrega di documentos y carga porta pa porta pa tur parti di mundo.

© Federal Express Corp.

Pabien!!!
ARUBA

cu nos Dia Nacional di
Himno y Bandera

To's 4 us

Wilhelminastraat #81 Tel: 822207